

CONVENIO DE COLABORACIÓN EMPRESARIAL ENTRE LA AXENCIA GALEGA PARA A XESTIÓN DO COÑECEMENTO EN SAÚDE Y OTSUKA PHARMACEUTICAL S.A. PARA LA ORGANIZACIÓN DE LA REUNIÓN SAÚDE MENTAL NA MULLER: 360°

MEMORIA XUSTIFICATIVA

A xerente do Servizo Galego de Saúde, **DECLARA:**

Que a Axencia para a Xestión do Coñecemento en Saúde e OTSUKA Pharmaceutical, S.A (OPSA) asinaron o 28.03.2023 o convenio arriba referido. O prazo de vixencia do convenio vai dende o día seguinte ao da súa sinatura ata a realización efectiva do evento, antes do 30 de xuño de 2023.

Que o instrumento convencional ten por obxecto o desenvolvemento dos fins formativos e de interese xeral que promove ACIS e, en particular, a organización da reunión "*SAÚDE MENTAL NA MULLER: 360°*", destinada tanto ao público en xeral como a persoal sanitario e que pretende dar unha visión global da saúde mental na muller.

Devandito evento tivo lugar o 29.03.2023 no salón de actos da Consellería de Sanidade.

Coa finalidade de lograr o devandito obxecto, OPSA comprometeuse a colaborar economicamente con ACIS achegando a cantidade de cinco mil trescentos oitenta euros con cincuenta e sete céntimos de euro (5.380,57 €) impostos incluídos.

Que o convenio fundamentouse no seguinte:

Mediante o Decreto 112/2015, do 31 de xullo, créase a Axencia Galega para a Xestión do Coñecemento en Saúde (ACIS) e apróbanse os seus estatutos. A posta en funcionamento efectivo da Axencia tivo lugar o 1 de xaneiro de 2016, coa entrada en vigor dos orzamentos xerais da Comunidade Autónoma de Galicia.

Entre os obxectivos estratéxicos de ACIS están o de elaborar a planificación en materia de docencia, formación, investigación, innovación e avaliación de tecnoloxías e servizos sanitarios, en función dos criterios e obxectivos de planificación estratéxica definidos polo Servizo Galego de Saúde e pola Consellería de Sanidade e o de xestionar o coñecemento no sistema público de saúde de Galicia.

Segundo o artigo 42 dos seus estatutos, para o cumprimento dos seus obxectivos ACIS poderá contar, entre outros, con recursos procedentes de achegas voluntarias, doazóns, herdanzas, legados e demais achegas a título gratuito de entidades privadas e de particulares.

A Lei 49/2002, do 23 de decembro, de réxime fiscal das entidades sen fins lucrativos e dos incentivos fiscais ao mecenado regula determinados beneficios fiscais que poden aplicarse as persoas físicas ou xurídicas que colaboren no financiamento de actividades daquelas entidades que poidan ser beneficiarias do mecenado.

O artigo 16 da Lei 49/2002 declara como entidades beneficiarias do mecenado ao Estado, as Comunidades Autónomas e as Entidades Locais, así como os Organismos Autónomos do Estado e as entidades autónomas de carácter análogo das Comunidades Autónomas e das Entidades Locais. En consecuencia, ACIS pode ser receptora de achegas económicas que dean dereito aos aportantes a obter beneficios fiscais dos regulados na Lei 49/2002.

Segundo o Artigo 25 da Lei 49/2002, entenderase como convenio de colaboración empresarial en actividades de interese xeral aquel polo cal as entidades ás que se refire o artigo 16, a cambio dunha axuda económica para a realización das actividades efectuadas en cumprimento do seu obxecto ou finalidade específica, comprométense por escrito a difundir, por calquera medio, a participación do colaborador nas devanditas actividades. A difusión da participación do colaborador no marco dos convenios de colaboración empresarial non constitúe unha prestación de servizos.

ACIS organizou unha actividade destinada a persoal sanitario, pacientes, así como público en xeral, coa finalidade de revisar, dende unha perspectiva global, todos os aspectos e esferas da saúde mental na muller, en concreto tratouse da organización da reunión "*SAÚDE MENTAL NA MULLER: 360º*" enfocada a proporcionar unha visión global da saúde mental na muller.

OTSUKA PHARMACEUTICAL S.A (OPSA) é un laboratorio farmacéutico adicado á comercialización en España de medicamentos de uso humano baixo a marca Otsuka Pharmaceutical, S.A., interesada en colaborar coa ACIS no desenvolvemento de iniciativas que poidan contribuír á mellora asistencial e da calidade de vida dos pacientes.

Os intereses converxentes das partes asinantes exclúen o ánimo de lucro, e non podían satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estimouse xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago,

